

ხელშეკრულება საქონლის შესყიდვის შესახებ #60-7-122-346

ქ. თბილისი

06.06.2022წ

I. მხარეები

წინამდებარე ხელშეკრულება დადებულია 2022 წლის 6 ივნისს, ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი გენერალური დირექტორის გიორგი გიგინეიშვილის სახით (მინდობილობა N210506896) (შემდგომში – „შემსყიდველი“) და მეორეს მხრივ შპს „თუბი“ –ს (შემდგომში – „მიმწოდებელი“) შორის, წარმოდგენილი დირექტორის შალვა ქოჩიაშვილის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს გაზის რედუქტორი, ჟანგბადის რედუქტორი (მანომეტრით) და ჟანგბადის აირსაჭრელი მოწყობილობა (რეზაკი) დანართი №1-ის (ფასების ცხრილი) შესაბამისად. CPV კოდი შესყიდვის ობიექტების მიხედვით: **42131170**.

2.2 დანართი №1 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს **4006,07 (ოთხიათასეკვსი ლარი და 7 თეთრი) ლარს** დღგ-ს ჩათვლით (შემდგომში – „ხელშეკრულების ღირებულება“).

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და ანაზღაურებისათვის სათანადო დოკუმენტაციის წარმოდგენის შემდეგ არაუგვიანეს 8 (რვა) სამუშაო დღის განმავლობაში;

3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია შემსყიდველის წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.4 იმ შემთხვევაში თუ მიმწოდებლის მიერ მოთხოვნილი იქნა საავანსო გადახდა, შემსყიდველი მიმწოდებელს უხდის საავანსო თანხას (სახელშეკრულებო ღირებულების არაუმეტეს 30%-სა) მიმწოდებლის მხრიდან შესაბამისი ოდენობის უპირობო და გამოუთხოვადი საავანსო-საბანკო გარანტიის შემსყიდველ ორგანიზაციაში მატერიალური სახით წარმოდგენის შემთხვევაში, საავანსო-საბანკო გარანტიის წარმოდგენიდან 5 (ხუთი) სამუშაო დღის განმავლობაში;

- მიმწოდებლის მიერ წარმოდგენილი უპირობო და გამოუთხოვადი საავანსო-საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას;

- იმ შემთხვევაში თუ მიმწოდებელი არის დღგ-ს გადამხდელი, საავანსო-საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში;

- ავანსად გაცემული თანხა ჩაითვლება საბოლოო ანგარიშსწორებისას;

- უპირობო და გამოუთხოვადი საავანსო-საბანკო გარანტია წარმოდგენილი უნდა იყოს ქართულ ენაზე. უცხო ენაზე წარმოდგენის შემთხვევაში, მას უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე" (დამოწმებული ნოტარიულად ან აპოსტილით).

- რეზიდენტი მიმწოდებლის მიერ უპირობო და გამოუთხოვადი საავანსო-საბანკო გარანტია წარმოდგენილი უნდა იყოს, საქართველოს ეროვნული ბანკის მიერ ლიცენზირებული საბანკო

ელექტრონული ტენდერი (SPA220001244) სს „სსე“-სათვის გაზის რედუქტორის, ჟანგბადის რედუქტორის (მანომეტრით) და ჟანგბადის აირსაჭრელი მოწყობილობის (რეზაკის) შესყიდვაზე. „მიმწოდებელი“ შპს „თუბი“ დაწესებულებიდან გაცემული შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედდასმული;

3.5 ანგარიშსწორება განხორციელდება ლარებში უნაღდო ანგარიშსწორების ფორმით..

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1. გადასცეს „შემსყიდველს“ ნივთობრივად და უფლებრივი ნაკლისაგან თავისუფალი საქონელი.

4.1.2 საქონლის ტრანსპორტირება „მიმწოდებლის“ ვალდებულებაა.

4.2. „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. საქონლის მიწოდების ვადა და ადგილი

5.1 წინამდებარე ხელშეკრულებით განსაზღვრული საქონლის მიწოდების ვადაა ხელშეკრულების გაფორმებიდან 40 (ორმოცი) კალენდარული დღე.

5.2 „მიმწოდებელმა“ ხელშეკრულებით განსაზღვრული საქონლის მიწოდება უნდა განახორციელოს მისამართზე: ქ.თბილისი, ქინძმარაულის #29, სს"სსე"-ს მატერიალურ ტექნიკური ბაზა.

5.3 საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა)

VI. საგარანტიო ვადა

6.1 წინამდებარე ხელშეკრულების დანართ #1-ში წარმოდგენილი საქონლის საგარანტიო ვადაა მიღება-ჩაბარების აქტის გაფორმებიდან 1 (ერთი) წელი მიღება-ჩაბარების აქტის გაფორმების დღიდან.

6.2. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია „შემსყიდველის“ წერილობითი შეტყობინების მიღებიდან 5 (ხუთი) სამუშაო დღის განმავლობაში გამოასწოროს ხარვეზი. თუ ეს შეუძლებელია, „მიმწოდებელმა“ 40 (ორმოცი) კალენდარული დღის ვადაში უნდა შეცვალოს საქონელი.

VII. მხარეთა პასუხისმგებლობა

7.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 5% -ის ოდენობით.

7.3 ამ ხელშეკრულების 7.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.4 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

ელექტრონული ტენდერი (SPA220001244) სს „სსე“-სათვის გაზის რედუქტორის, ჟანგბადის რედუქტორის (მანომეტრით) და ჟანგბადის აირსაჭრელი მოწყობილობის (რეზაკის) შესყიდვაზე. „მიმწოდებელი“ შპს „თუბი“

7.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7.6 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 7.4 პუნქტით გათვალისწინებული პირგასამტეხლოს დარიცხვის საფუძველი.

VIII. ხელშეკრულების შესრულების კონტროლი

8.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

8.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ ტექნიკური განყოფილების უფროს ინჟინერი ბესიკ ნაცვლიშვილი.

8.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება; რაც წარმოადგენს „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

X III. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

X IV. შესყიდვის ობიექტის მიღება-ჩაბარების წესი

14.1 საქონლის მოწოდებისას „შემსყიდველის“ მიერ წინამდებარე ხელშეკრულების 8.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში მიღება-ჩაბარების აქტი ფორმდება საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად..

14.2 მიღება-ჩაბარების აქტზე ხელმოწერ პირად განისაზღვრა შესაბამისი დირექტორთა საბჭოს წევრი ან/და შესაბამისი დეპარტამენტის უფროსი.

14.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

X V. ხელშეკრულების მოქმედების ვადები

15.1. ხელშეკრულება ძალაში შედის მხარეთა მიერ ხელმოწერისთანავე.

15.2 ხელშეკრულების მოქმედების ვადა ამოწურულად ჩაითვლება მხარეებს შორის ხელშეკრულებით გათვალისწინებული პირობების შესრულებისთანავე, მაგრამ არაუგვიანეს 2022 წლის 31 აგვისტოს ჩათვლით. ხოლო საგარანტიო ვალდებულებების ნაწილში საგარანტიო ვადის ბოლომდე.

XVI. ხელშეკრულების სხვა პირობები

16.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

16.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

16.4 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

XVII. კონფიდენციალურობა და გაუმჟღავნებლობა

17.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XVII. მხარეთა რეკვიზიტები

„შემსყიდველი“:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ. 2
საიდ. კოდი: 204995176
სს „თი ბი სი ბანკი“
ბანკის კოდი: TBCBGE 22
ა/ა # GE02TB0600000102467636

გიორგი გიგინეიშვილი
გენერალური დირექტორი

„მიმწოდებელი“:

შპს „თუბი“
ტელ: 595 475717
ქ.თბილისი, ჭოველიძის ქ 24
ს/კ 404408707
სს „თი ბი სი ბანკი“
ბანკის კოდი: TBCBGE 22
ა/ა # GE30TB7225836080100001

შალვა ქოჩიაშვილი
დირექტორი

ელექტრონული ტენდერი (SPA220001244) სს „სსე“-სათვის გაზის რედუქტორის, ჟანგბადის რედუქტორის (მანომეტრით) და ჟანგბადის აირსაჭრელი მოწყობილობის (რეზაკის) შესყიდვაზე. „მიმწოდებელი“ შპს „თუბი“

ხელშეკრულების დანართი №1

ფასების ცხრილი

№	საქონლის დასახელება	ტექ.პარამეტრები	მწარმოებელი კომპანია	მოდელი	განზ. ერთეული	რაოდენობა	ერთეულის ღირებულება (ლარი) დღგ-ს ჩათვლით	ჯამური ღირებულება (ლარი) დღგ-ს ჩათვლით
1	2	3	4	5	6	7	8	9
1	პროპანის რედუქტორი STAR GAS 5120 YLDIZ	მასალა: ლატუნი; • მაქსიმალური მუშა წნევა: 0,3 მპა; • მაქსიმალური გამტარუნარიანობა: 5 მ.კუბ/სთ; • შემომავალი წნევა: 25 ბარი; • მანომეტრის რაოდენობა: ერთი; • შემომავალი შეერთება(რეზაკი) - W21.8x1/14LH; • გამომავალი Ø 6÷9მმ რეზინის მილზე; • ქარხნული შეფუთვით და კომპლექტაციით: • მოსაწოდებელი საქონელი უნდა იყოს ქარხნული წარმოების, უნდა იყოს ექსპლუატაციაში არ მყოფი, არ უნდა იყოს აღდგენილი და მეორადი. • პროდუქცია წარმოებული უნდა იყოს 2020-2022 წლებში, მოწოდებისას საქონელზე ან მის ქარხნულ შეფუთვაზე დატანილი უნდა იყოს გამოშვების წლები. • პრეტენდენტმა საქონლის მოწოდებისას უნდა წარმოადგინოს პროდუქციის გამოცდის ოქმი (გაცემული მწარმოებლის ან უფლებამოსილი ორგანოს მიერ).	Yildiz Gaz თურქეთი	5120	ცალი	7	150,0016	1050,0112
2	ჟანგბადის წნევის რეგულატორი(რედუქტორი) დიდი	• კორპუსის მასალა: ლატუნი; • ორი მანომეტრით; • მაქსიმალური გამტარუნარიანობა: 50 მ.კუბ/სთ; • I. შკალა: აირის მაქსიმალური წნევა შემოსასვლელზე: 20 (200)მპა(კგმ/სმ2); • II. შკალა: აირის მაქსიმალური მუშა წნევა:1,25(12,5)მპა(კგმ/სმ2); • შემავრთებლის ზომები: შემომავალზე - G ¾, გამომავალზე -M16x1,5 • გამომავალი Ø 8÷9მმ შიდა დიამეტრიან მად. წნევის რეზინის მილზე; • დამცავი კლაპანის ამოქმედების მაქსიმალური წნევა: 2,5(25)მპა(კგმ/სმ2) • ქარხნული შეფუთვით და კომპლექტაციით: • მოსაწოდებელი საქონელი უნდა იყოს ქარხნული წარმოების, უნდა იყოს ექსპლუატაციაში არ მყოფი, არ უნდა იყოს აღდგენილი და მეორადი. • პროდუქცია წარმოებული უნდა იყოს 2020-2022 წლებში, მოწოდებისას საქონელზე ან მის ქარხნულ შეფუთვაზე დატანილი უნდა იყოს გამოშვების წლები. • პრეტენდენტმა საქონლის მოწოდებისას უნდა წარმოადგინოს პროდუქციის გამოცდის ოქმი (გაცემული მწარმოებლის ან უფლებამოსილი ორგანოს მიერ).	БAMЗ რუსეთი	БКО-50-4	ცალი	8	159,51535	1276,1228

ელექტრონული ტენდერი (SPA220001244) სს „სსე“-სათვის გაზის რედუქტორის, ჟანგბადის რედუქტორის (მანომეტრით) და ჟანგბადის აირსაჭრელი მოწყობილობის (რეზაკის) შესყიდვაზე. „მიმწოდებელი“ შპს „თუბი“

3	აირ მჭრელი აპარატის სახელური (დიდი) უკუსარქველებით	• მასალა: ლატუნი; • ტიპი: ვენტილური; • გაზის შერევა: ინჟექტორული; • შემაერთებული ხრაზნი(რეზა) M 16x1.5; • შემაერთებული ნიპელის დიამეტრი: 6/9; • სიგრძე: 480მმ; • მუშა საწვავი: პროპანი/ჟანგბადი; • ჭრის სისქე: 0 – 100მმ; • ერთ ჟანგბადის აირსაჭრელი მოწყობილობას (რეზაკს) მოყვება სამი ცალი შიდა საცვლელი ცხვირი და შესაბამისი პარამეტრების მქონე ჟანგბადის და თხევადი გაზის თითო უკუსარქველი (სულ 8ც ჟანგბადის და 8ც თხევადი გაზის); • ქარხნული შეფუთვით და კომპლექტაციით: • მოსაწოდებელი საქონელი უნდა იყოს ქარხნული წარმოების, უნდა იყოს ექსპლუატაციაში არ მყოფი, არ უნდა იყოს აღდგენილი და მეორადი. • პროდუქცია წარმოებული უნდა იყოს 2020-2022 წლებში, მოწოდებისას საქონელზე ან მის ქარხნულ შეფუთვაზე დატანილი უნდა იყოს გამოშვების წლები.	КРАС	რუსეთი	P1Π	ცალი	8	209,9928	1679,9424
საერთო ღირებულება დღგ-ს ჩათვლით.									4006,07

ხელშეკრულების საერთო ღირებულებაა 4006,07 (ოთხიათასექვსი ლარი და 7 თეთრი) ლარი დღგ-ს ჩათვლით

„შემსყიდველი“:

სს „საქართველოს სახელმწიფო ელექტროსისტემა“

გიორგი გიგინეიშვილი
გენერალური დირექტორი

„მიმწოდებელი“:

შპს „თუბი“

შალვა ქოჩიაშვილი

დირექტორი